

四庫全書

集部

欽定四庫全書

柯山集卷二十三

宋 張耒 撰

七言絕句

臨淮道中

凜凜春寒犯客裘
輕陰殘雪放孤舟
無端惟有堤邊柳
作態東風惱客愁

許同塵示張八侍郎避暑覽館中舊題絕句俾之

同作次韻

聚散人生集渚鴻
飛鳴邂逅一宵同
是非榮辱何勞問
共在邯鄲一枕中

西園風雨雜花謝

楚澤春殘雨又風
啼鶯芳草思無窮
蕪菁滿地黃金爛
不及薔薇一點紅

慈湖中流遇大風舟危甚食時風止遊靈巖寺

心忤西江浪似山
眼明僧舍一窻閒
從今要見廬山面

欽定四庫全書

柯山集卷二十三

宋 張耒 撰

七言絕句

臨淮道中

凜凜春寒犯客裘，輕陰殘雪放孤舟。
無端惟有堤邊柳，作態東風惱客愁。

許同塵示張八侍郎避暑覽館中舊題絕句俾之

同作次韻

聚散人生集渚鴻
飛鳴邂逅一宵同
是非榮辱何勞問
共在邯鄲一枕中

西園風雨雜花謝

楚澤春殘雨又風
啼鶯芳草思無窮
蕪菁滿地黃金爛
不及薔薇一點紅

慈湖中流遇大風舟危甚食時風止遊靈巖寺

心忤西江浪似山
眼明僧舍一窻閒
從今要見廬山面

畫作屏風靜處看

寓淮陽驛二首

一庭秋色高堂夜半壁燈光短幌涼都是去年秋氣味
誰知飄泊古淮陽

悠颺短日下西墻庭葉吟風作夕涼客枕甚安無一事
隣雞不用喚朝陽

觀魚亭呈陳公度二首

千古濠梁莊惠詞不須反覆辨真知直應人意逍遙處

便是游魚自樂時

獵獵微風波面開
近人鷗鷺不相猜
樽前忽起扁舟興
新管江南山水來

寒食離白沙

莫驚客路已經年
尚有青春一半妍
試上芳堤望春野
萬絲楊柳拂晴天

紹聖甲戌侍立集英殿臨軒試舉人作此兩絕

春來小殿雪初殘
曉日曛曛未破寒
黃緞當軒公事退

君王緩步侍臣闈

弱歲千名翰墨場春寒搖筆試西廂茫然二十年間事
還著春衣侍玉皇

同仲達雪後踰小山遊蔡氏園得紅梅數枝奇絕

因賦二首

與君陟巘踏春泥邂逅紅梅得一枝失却孤山風露格
却成郊酒醉水肌

原注李正封牡丹詩
有國色朝酣酒之句

北風凜凜留高樹融雪涓涓聚小塘三畝山園半春草

無人為結小丁香

戲呈希古

半世辛勤守黃卷
白頭容易過青春
枕前亦覺春晴否
試問東隣晚起人

賞心亭

楫迎桃葉家何處
槩送莫愁人已非
獨立東風今古恨
春江無語又斜暉

題洛尾亭二首

原注入汴
第一亭

日出南山春霧收
渾渾洛尾入淮流
莫向行人贈楊柳
折將離恨入孤舟

洛尾亭邊淮汴交
來波去浪恨迢迢
無端更洒黃昏雨
吹作春愁不肯消

題周文翰郭熙山水二首

魚村橘市楚江邊
人外秋原雨外川
遠騎竹邊邀短艇
天涯暮色已蒼然

洞庭葉落萬波秋
說與南人亦自愁
指點吳江何處是

卷二十三

一行鴻雁海山頭

立春三首

天上春來誰報人
江山氣象一時新
懶將白首簪幡勝
壽酒三杯慰逐臣

風光先著竹間梅
和氣應從九地回
桃李滿園渾未覺
微紅先向寶刀開

蒼龍闕角回金斗
文德門南散曉班
車馬紛紛殘雪裏
鏤銀剪綵舞新幡

寒食

庭院輕寒新雨過
江城寒食野花飛
故園北望一千里
極目江楓客未歸

竟陵夢野亭在子城西南角一目而盡雲夢之野
最為郡中之勝

高甍巨楠壓城闔平視如將七澤吞幾度春光招宋玉
碧闌干外獨消魂

奉符縣北二十里林家莊馬鋪間壁有草書數行

半毀矣問其人云熙寧中錢提刑所書予考其時
蓋翰林四丈穆父也錢公謫秋浦而卒其子已免
喪矣

龍蛇半滅亭間字泉壤長埋地下身從此世間無玉樹
故人三嘆淚沾襟

木芙蓉菊花盛開

空山岑寂何所有晚菊芙蓉相對幽伴我悠悠過閒日
憐渠灼灼媚窮秋

夜間風雨有感

留滯招提未是歸，
臥聞秋雨響疎籬。
何當粗息飄萍恨，
却誦僧窻聽雨詩。

次韻智叔三首

才似庖刀不待斲，
思如流水更清冷。
詩壇李杜誰為將，
盡掃機槍正國刑。

公子風流更可人，
仙家問訊柳湖春。
煩公甕下一杯水，
洗我胸中百斛塵。

今朝一見詩人詩不用更尋黃絹詞深山一鶴自唱和
亦有松下童子知

絕句

竟陵秋色清如水客舍飄梧墜晚階已掩重門風葉定
玉鉤還向玉人來

西園

滿園紅紫春無限盡日飛鳴鳥自由夜雨朝晴風日好
盡舒雲錦不能收

晚春

苔封池面草芊絲
鳴蚓跳蛙意苦便
頗覺風雲有奇變
翻盆一雨便潺潺

殘春三絕

低簷送雨晚霏微
濕透梅房白漸肥
半捲畫簾屏扇掩
朦朧春睡擁春衣

闌干倚遍更消魂
春到淮南得幾分
裊裊柳枝烟雨濕
畫樓殘角送黃昏

強尋春物散無聊直使樓高恨未消
鱗碧萬家看不盡
杏花時見隔牆梢

偶題二首

相逢記得畫橋頭花似精神柳似柔
莫謂無情即無語
春風傳意水傳愁

春水長流鳥自飛偶然相值不相知
請君試採中塘藕
若道心空却有絲

宛丘道中

日斜沙路馬翩翩故欲迎涼不著鞭誰解多情似新月
伴人歸去照人眠

青桐道中值雨凡數里舟行久之頗有江湖之思
二首

繫馬操舟問檝師却疑淮口掛帆時人間遷改何須問
便作江湖未可知

冥冥煙外鳥飛歸野老得魚收網迴隔浦斷霞沉欲盡
半彎新月出雲來

宿咸平驛

蕭蕭暗葉鳴秋雨
淅淅窻風戰客燈
世味飽諳心已老
不煩潘鬢強侵陵

蕭蕭

蕭蕭風雨五更初
枕上秋聲獨井梧
只有菊花猶灼灼
苦教摧拉就荒蕪

淮陰道中

映日斷霞臨水盡
出雲新月向人來
野塘秋晚無行迹

點點黃花照水開

夜坐

庭戶無人秋月明
夜霜欲落氣先清
梧桐直不甘衰謝
數葉迎風尚有聲

試筆

學館養鹽驚歲晚
寒窻書史伴身閒
年來輒軻甘言命
老去追隨厭強顏

新春

水鄉清冷落梅風正月雪消春信通昨夜園林新得雨
杏稍爭放曉來紅

野步

帶水依城一逕微出城桃杏雨來枝最憐楊柳身無力
付與春風自在吹

春日偶題四首

漫漫東風百草長天桃如笑柳如妝惟憑酒作青春敵
收拾風光入醉鄉

隔屋桃花暖鬪妝好風時有過牆香滿園芳草無人種
何事春來特地長

舍北小桃纔及肩可憐枝弱苦花繁黃昏雨急東風惡
惜爾不禁春夜寒

白首傷春一老翁預愁寒食過春中下簾數點黃昏雨
一霎輕寒青杏風

偶成二首

新引龍孫欲解解包籬根抽筍已梢梢莓苔雨過蝸緣壁

揚柳葉深鶯有巢

乍晴幽步踏斜陽殘潦青苔曲徑荒風擲落花填小塹
兩催芳草上空牆

題軫師房二首

漠漠雨苔依砌綠鮮鮮秋菊映堦黃山僧睡起日亭午
出戶微微栢子香

銅瓶布衲出塵埃疎瘦風標日一齋門徑蕭然更無事
生螢飛鶴及時來

初離山陽寄城中友人二首

落月昏昏向水低
五更殘燭一聲雞
祇應魂夢猶東去
從此扁舟日向西

野岸蕭蕭落葉風
秋光離思兩相攻
殷勤臨水揮雙淚
憑寄清流却向東

淮陰晚望

蕭蕭衰柳來時路
裊裊危檣西去船
白鳥歸飛夕陽盡
斷霞風約過平川

宿第四鋪

繫纜寒沙傷客情
秋雲不動夜陰生
蕭蕭兩岸黃榆葉
解報三更雨到聲

初見嵩山

年來鞍馬困塵埃
賴有青山豁我懷
日暮北風吹雨去
數峯清瘦出雲來

有感

鬢毛已自秋來變
髀肉仍于馬上消
滿眼青山不歸去

強顏微祿亦何聊

福昌官舍後絕句十首

淮南梅柳想春還
怯見西州歲暮寒
惟有看山心未厭
清明終日在闌干

小園寒盡雪成泥
堂角方池水接溪
夢覺隔窗殘月盡
五更春鳥滿山啼

無客門闌盡日扃
兩行喬木擁寒廳
吏胥借問官何在
流水聲中看竹行

漫與東風作主人
栽培花草伴閒身
不辭伐竹成高架
收拾薔薇一片春

卧聽堂南布穀鳴
隴頭細麥已青盈
殷勤謝汝催春種
我為無田豈懶耕

翠竹留人不忍還
暖泉春漲已潺潺
寄言山鳥休歸去
與爾同來樂此間

洛川春色幾時歸
漾漾清流照翠微
日暖雪消沙岸軟
鴛鴦相對不驚飛

風吹春日下南山尚有輕冰結暮灘何事鴛鴦故相守
清溪不怕夜棲寒

不掃竹根藏筍茁旋培殘雪擁蘭芽為君更接櫻桃樹
付與春風換却花

清明山色到前簷汨汨溪流聚小潭一榻竹窻晴晝睡
依依春夢入江南

夢周楚望

春風吹夢到淮南一夕從容盡笑談睡覺始知經歲別

洛陽新柳已毵毵

絕句

坐局歸來已暮鐘
濛濛寒雨濕裘茸
正須牆下一壺酒
不怕江頭三日風

有感

屋角纖纖掛斷虹
清蟬一噪起高桐
天涯雲盡見殘日
林下雨餘來好風

贈鐵牌道者

微官待旦亦朝天
賴爾絕勝鐘鼓傳
舉世昏冥竟難警
憐君常負五更眠

讀吳怡詩卷二首

羅田春動雪消初
主簿清詩雪不如
休學風騷窮事業
花前莫負古銅壺

疎梅半落雪中香
想子孤吟對酒缸
野水荒山半猿鳥
跨驢誰問賈長江

題趙案所收趙令穰大年烟林二絕

江上孤煙蔽遠林，秋原人靜下鳴禽。
水鄉此景常經眼，誰信侯家畫萬金。

楓林荻港白晝靜，落鴈飛鷗盡日閒。
平遠起君千里恨，清詩可要助江山。

屈原

楚國茫茫盡醉人，獨醒惟有一靈均。
鋪糟更遣從流俗，漁父由來亦不仁。

觀音泉

巖松偃蓋不知年寂寂秋燈寶供前清徹一源傳萬古
空山長伴白衣仙

宿慈氏院

樓上鳴鐘報五更朦朧深殿佛燈明更無幽夢隨寒枕
聽徹風松到曉聲

巫臣二首

萬古風情不易禁多言未似不言深楚王只聽巫臣諫
不道逃吳已有心

全宋文卷之二
卷三十三
咫尺山河不易知，無言莫謂即無思。
人間只見枝頭繭，不悟春蠶暗理絲。

北風

北風卷地寒侵骨，凍雪連山鳥不飛。
試問朱門餘酒肉，幾人迴首念無衣。

洛岸春行二首

溪上映人楊柳黃，滿溪流水碧泱泱。
憑君莫向溪南望，春草春風能斷腸。

南山晴翠入波光一派溪聲繞郭長最愛早春沙岸暖
袞風輕浪拍鴛鴦

漫成七首

應敵詩才慙古人牽情春色空閒身鋪排物色雖甘拙
消散閒愁亦有神

脩竹娟娟一萬竿清渠引水正潺潺知時燕子來相語
任意鳧雛去不還

高槐無花亦有陰參天老枝逾十尋流鶯不使人窺見

故隔深條送好音

風吹桃花西復東
雨打海棠零亂紅
可是春光即消歇
牡丹音信未全通

江南梅花凌雪霜
桃李開盡春無光
誰知洛陽三月暮
千金一朵賣姚黃

溪水春來清蕩沙
溪南溪北是人家
依依陌上多情柳
簇簇原頭自在花

庭陰當午起猶慵
斷送殘春醉夢中
桑柘成陰桃李盡

一川零亂柳花風

和應之出城

路穿槐柳遶山斜
長夏村墟對物華
青玉一尋披籜竹
絳繒千片剪榴花

永寧赴晁應之見招賞花途中遇雨

行雲濃淡日無輝
輕雨飄飄點客衣
馬上漫郎醒復醉
一盃容易送春歸

依韻和晁十七落花二首

投老殷勤向物華
風前猶欲拾餘花
更將夢逐殘紅去
遍入長安百萬家

飛隨風雨落隨流
更有餘紅亦已休
杳杳天涯春物盡
可憐鶯蝶不知愁

和端午

競渡深悲千載冤
忠魂一去詎能還
國亡身殞今何有
只有離騷在世間

偶成

須知庖手有真如合遣輪人笑讀書擁褐蒲團深閉日
老人于此有工夫

雙廟

成敗功名付偶然男兒要是死生間故應城破知肝膽
飛矢何勞記賀蘭

株林

九寡奔亡一老姬白頭蠻叟壁西施二公費盡平生事
深屋嬋娟世得知

淮上阻風步入寶積山訪軫長老

少年飄泊歸淮東
道人住庵何處峯
知有招提煙水外
雪雲山路倒杉松

淮上觀冰下

寒淮千里羣冰下
古岸枯槎黃葦枝
憶得天津橋下見
五門春動雪消時

柯山集卷二十三

欽定四庫全書

柯山集卷二十四

宋 張耒 撰

七言絕句

春陰

鷺鴻瞥過不容攀
病眼淮邊楚望寒
獨卧孤舟對楊柳
春風終日在檣竿

宮人斜

三ノトノ二ノ
卷二十一
青蛾皓齒作埃塵
玉匣珠衾地下身
一曲壞牆門不鎖
林花開落墓前春

奉先寺

定知生不出長門
禾黍蕭蕭寺後村
松柏城南萬丘冢
傷心最說內人園

至後早赴館二首

紅蠟妝梅冷未黏
柳條偷暖作纖纖
高樓殘白誰家雪
盡日天寒不捲簾

城圍殘雪寒催曉宮近晴雲暖欲春誰覺風光添一線
玉壺漏水報雞人

晁二家有海棠去歲花開晁二呼杜卿家小娃歌
舞花下痛飲今春花開復欲招客而杜已出守戲
以詩調之

頗疑蜂蝶過鄰家知是東牆去歲花駿馬無因迎小妾
鷓鴣何用強隨車

復答迎郭侯犢車之句

玉壺春酒射朝霞只看纖腰不看花但遣舟迎桃葉女
仍須恩賜短轅車

清明日舟中書事二首

清明不到旅人家乞火鄰船自試茶
弄柳好風低作舞
夾船春浪細浮花

巢鳥噪處綠楊村寒食人家晝掩門
麥隴曉風收宿潤
烟林午日漲黃昏

題海州懷仁令藏春亭

聞道山中賢長官種花不肯放春還故知車馬紅塵地
催促東風不得閒

題綠野亭

渺渺孤亭滄海東天連平野四無窮可須戶牖毫端上
自攬山河眼界中

漫成三首

驅除牢愁須酒聖狼藉春色要花紅定知春來無一事
苦教有情愁得儂

容易得愁即不去苦教春物喚愁生遣愁飲酒大拙計
遣誰盛眉為慢聲

閉門春風作往還誰家有花堪醉眠柳腰榆莢爭入眼
江梅一枝遠如天

題榮子邕陋居二首

草舍隆中一幅巾閉門三致漢將軍紛紛自獻知何有
終遣斯人了鼎分

一室荒蕪孺子貧知君四海入經綸殺身虎口終何補

洒掃逕除自可人

秋日有作寓直散騎舍

黃省文書分道山靜傳鐘鼓建章聞天邊玉樹西風起
知有清秋到世間

曉雨

綠滿園林紅已稀濕烟和柳共霏微誰家油壁春寒裏
獨輓天街曉雨歸

送周六赴濠州戶曹二首

老顯有婦何妨道一室蕭然尚愧君但恐小喬來大室
却須射虎作將軍

從來悟道不由書靦面相呈已有餘塵尾花飛終不近
濠梁古鬼解椰揄

趙弟

男兒何用立奇勳趙弟從軍初不聞但斬郁城侯萬戶
不須猿臂老將軍

贊皇公

才高一世有奇功
掩卷令人獨想風
莫笑狄祠遷武相
致人從古是英雄

夜來

夜來風雨掠餘春
晏起蕭條一病身
三月長安泥浩浩
懶隨車馬作遊人

桓温

北征談笑縛姚公
靜掃諸陵見洛嵩
不用登高笑夷甫
正緣此輩使君雄

和天啟惠橘詩

十年不摘洞庭霜喜見新苞照眼黃但對典刑休嗜味

原注天啟
辭以橘酸虎賁猶得作中郎

題畫二首

敗蘆浸水凍灘沙朔雪隨風亂綴花濕翅老鴻鳴未起
暮雲山色暗天涯

蒼蒼老石守寒叢雪洒林鳩美睡中鶉傍陳根飢更啄
雀栖高竈暝愁風

題庭木

枯條怪石坐寒禽
玉軸高懸畫萬金
歲晚荒畦真在眼
寂寥方見此時心

有所歎

駢脅當車鬪戟先
相君冠蓋照秦川
六雄未滅君無苦
當念杜門公子虔

五更

歲事先教蟋蟀催
暮雲樓閣殷輕雷
五更庭葉驚殘夢

知有清秋犯雨來

下直

留住長安鬢已絲
宮廊還見落梅飛
暮雲踈雨蒼龍闕
不惜障泥策馬歸

題史院直舍魚鷺屏

鐘鼓聲稀下直遲
秋暉初轉萬年枝
寒廳盡日誰相對
慙愧屏風兩鷺鷺

梅花二首

便使柳肥終解舞莫驚梅瘦為含酸因風自裊還成態
與雪爭妍却要寒

天質自清非為瘦仙姿正白不施紅未開如怨開如笑
枉乞幽香與北風

探春

啾啾凍草羣飛雀裊裊高林獨嘯猿忽憶淮南春意動
早梅池館斷鴻天

雙槐

老去相看終慘淡，秋來無賴對婆婆。
任從葉逐西風去，要聽庭寬夜雨多。

晏起

晚起翻書日欲西，偶然乘興忘遨嬉。
好書自癖非求利，掘冢才須數句詩。

和人二首

臘殘春近獨消魂，殘雪長安千萬門。
青鳥何曾寄音信，碧雲剛解報黃昏。

瞳矐曉日漏春光
欄下萱叢尚卧霜
認得君家門上雪
易知何事却難忘

天窓

鑿屋分將一尺明
坐令隔幌見簾屏
任從世界傾盆雨
只要蕭蕭數點聲

失性

失性摧頽君子鶴
忘羞跳擲沐猴冠
須知六合梟鸞雜
供與閒人靜處看

夢至一園池藕花盛開水鳥飛鳴為作二小詩記

之

偶來乘興不須疑一頃秋香欲發時老子婆婆真為爾
百回相見媿鷓鴣

平池秋水雨來深無數紅妝出岸陰翠幕深藏知有意
白鷗相見本無心

讀王荊公詩

名實由來不可逃悠悠毀譽亦徒勞臧公已死言終立

不是軒裳世祿高

雨霽

豐隆故犯青冥上
列缺應逢返照還
樓外細蟾呈窈窕
枝間少女故徘徊

蹇驢

驥伏鹽車飢不行
疲牛與爾飽平生
子荆自是佳公子
亦向人前作汝聲

局中晚坐

高林晚葉漸疎明
雨過長安萬屋青
為問西風來幾日
夕陽宮殿亦秋聲

無題二首

風槐已踈遽如許
夜蛩雖怨可若何
出門屐齒苔痕滿
隱几書塵鼠跡多

晚起清秋一枕涼
四簷鳴雨下淋浪
竹籠燒藥時添火
書榻焚香卻閉房

鴨鵝

整刷衣裾紫翠新
曉天風露壓雞晨
應知不置蓮花漏
長喚林中宴坐人

久雨

欹簷積雨苔生瓦
陋巷人稀泥及門
坡下牛羊來遠墅
舍旁麻蕨接荒村

吳江道中懷陸魯望

我亦扁舟一散人
江湖為洗十年塵
筆牀茶竈經過地
風月相望亦有神

霽溪道至四安鎮

苔雪清秋水底天
夜帆燈火客高眠
江東可但鱸魚美
一看溪山直萬錢

喜雪走筆呈李宣城三首

殷勤寄語宣城宰
公事何時是了時
病守欣然有嘉思
亦須對雪把空卮

眊眊庭中爭曲直
紛紛筆下判鞭笞
坐曹決事輸歸飲
須信薛宣稱吏師

萬夫餓腹待倉儲
三戶窮民守破圩
疲瘵不禁鞭撻甚
長官對酒且歡娛

遊園

病來久不上層臺
窻有蛛絲逕有苔
為報園花莫惆悵
故教太守及春來

聞葢二首

晚風庭竹已秋聲
初聽空塔葢夜鳴
流落天涯聊自得
今宵為爾感平生

二年江海轉萍踪
白髮蒼顏換舊容
新月窺簾風動竹
宣城今夜又聞砧

雨中題壁

去年此日泊瓜州
衰柳蕭蕭繫客舟
白髮天涯歎流落
今年對雨古宣州

鷓鴣

敗荷枯葦一方池
溪上鷓鴣坐得知
何事月寒風露下
攣拳孤影在風枝

秋蚊

江城落木已窮秋
病客初寒欲襲裘
暗室飛蚊猶撲面
不知天上火西流

冬日

忽忽新冬無一旬
自憐憔悴楚江濱
滿前魑魅何曾禦
尚愧無功作逐臣

預作冬至

紫壇曾從奠琳琅
親被天人玉冕光
今日黃州山下寺

五更聞雁滿霜林

原注其元祐七年南郊曾與捧皇帝
裡帛席左見上冕玉簪白如雪為燭

所照出光
數尺云

九日登高

黃梨丹柿已催寒
一月西風積雨乾
紺滑秋天稱行草
卻憑秋雁作揮翰

試墨

金業水窻淨絕塵
破寒龍尾穀生紋
澄江清淺汀洲靜
忽有蒼螭下吐雲

綵花

清寒帶雪未成春，可得芳菲早向人。
須遣艷陽歸掌握，故教桃李及芳辰。

送窮

年年漉酒拜清晨，風俗新正競逐貧。
不用為文送窮鬼，直須圖事祝錢神。

寄陳州朱教授三首

殷勤寄語朱夫子，僧舍花前亦舉觴。
學舍蕭條官職冷，

不知誰與戴姚黃

欲曉山禽百種鳴
最憐啞啞是雛鶯
遙想西湖烟柳色
深春風露水邊聲

春雨江干不肯晴
大江櫟岸轉雷霆
山頭方丈渾無事
掃地焚香看佛經

送春

二年江上見春歸

原注子年春
在金陵江上

預想重來我未迴
淹速

世間誰料得祇應相遇且銜杯

寓寺八首

門外清泉浸稻畦西南脩竹作城埤川平林斷空明處
卻有遙山作翠眉

道人鐘梵久寂寞倦客弭車聊靜便我亦雲山間衲子
平生香火舊因緣

病卧淮陽太昊城牡丹叢畔過清明那知春暮長江上
竹裏招提聽曉鶯

江城梅子青時節嫩紫天紅掃地無脩竹滿山連草色

卻煩林鳥勸提壺

翠眉長好何曾損寄語啼禽漫不聞應為殘春足愁恨

長疑感破鏡中山

原注有鳥聲
如呼翠眉損

平曉春雲失半山濛濛小雨暗江干寺樓倚徧消殘醉
只有春愁伴薄寒

錯落星河沒半空江城悲角五更風幽人夢斷西窻雨
背壁籠燈到曉紅

籠燈到曉只微明獨擁單衾聽雨聲葛幌竹牀清過暑

蕭然未覺負平生

黃葵

黃葵貴麗不妖嬈
一朵新晴檻外高
還似邇英臨便坐
瞳矐朝日照天袍

聽鳴禽

流滯江邊鬢已霜
又聞春鳥啁朝陽
他時北去懷陳迹
寒竹疎梅黃土岡

曉雨

輕陰江上千峯秀
小雨牆邊百草生
惟有春禽慰孤客
曉啼渾似故園聲

黃州酒務稅宿房北窓新種竹戲題於壁

異時小杜高眠地
幾向秋風聽楚江
身世浮雲那可計
試留雙竹守窓寒

梅花

我愛梅花不忍摘
清香却解逐人來
風露肌膚隨處好
不知人世有塵埃

分冬

莫驚人事浮雲變且作吾儕飽飯行白首分冬聊自勸
江城今夜一陽生

食糝糝

論斤上國何曾飽

原注高力士至黔中見糝云
兩京論斤買五溪無人採

旅食江

城日至前常慕藜羹最清好故應不糝媿吾原

原注原
憲藜羹

不糝

戊寅正月八日早寒

濃淡春雲夜雨乾
寂寥庭院袂衣寒
無人為發樽前笑
但把梅花似舊看

正月七日雪晴

西窗融雪飄如雨
故與新春作薄寒
昨夜雁聲渾向北

夢魂隨去過關山

原注光蔡之間
路名關山

春蔬

新春書劍滯江城
又見南蔬入旅羹
關心太昊祠前路

小甲連畦帶雪晴

原注予有蔬圃在
陳州太昊祠南

讀秦紀二首

烹滅羣雄力未疲
赭山射海奮餘威
誰知傳與癡兒子
祇得阿房似舊時

汲汲威刑繼祖龍
收功終在望夷宮
未應家國歸車府
卻有山東老沛公

偶成

許君踏月夜相過
此語當時恨已多
但願相逢休怨老
不妨白髮聽新歌

春日懷淮陽六首

西城門外古壕清
太昊祠前春草生
早晚粗酬身計了
長為閑客此間行

靈通禪刹古叢林
永日惟聞鐘梵音
閱世興亡千室佛

百年風雨古牆金

原注靈通院石晉末所
刻有千佛殿壁繪用金

最愛南城汲井園
春來蔬甲不勝繁
人家斷處無雞犬
遲日東風似古原

黃巢寨南琵琶溝
古原芳草靜春流
大扁舸舫何處客

檣竿西北是神州

莽莽郊原帶古丘
漸漸隴麥散羊牛
杏花楊柳春濃處
一片青帘慰客愁

城中萬枝木芍藥
姚黃一萼得春多
日日躡春渾坐此
人間無醉奈渠何

柯山集卷二十四

欽定四庫全書

柯山集卷二十五

宋張耒撰

七言絕句

上元三絕

清晨謁帝大明宮拜賜歸來夜過中

原注予在祕書近十年每歲上元晨

趨大慶迎駕近午駕回駐輦大慶門上賜茶酒拜謝
退率一二同舍擇勝縱觀至夜分必醉歸歲率為常一

夢十年身老矣山城風月作過從

沽酒壚邊人若市算商亭下浪連天張君官況今如此
豈有工夫作醉眠

江邊燈火似秋螢哀怨山歌不可聽自怪今春牢落甚
禪房止酒讀黃庭

二絕句

衙齋無事雨初晴山澤有容春向深何物東風吹不散
祇應多病謫官心

茆簷斜日曉雞號水滿陂塘齊麥高回首故園空悵望

東門歸路綠迢迢

正月二十五日以小疾在告作三絕是日苦寒

黃土岡頭薺麥長春陰蔽日午風狂山前梅落無人見
只有幽禽啼暗香

春色三分有尚多且饒芳草占高坡門前柳色如彭澤

爭奈陶君止酒何

原注予方
以病止酒

見說櫻桃已爛開坐愁風雨苦相催自憐華髮傷春客
兩見飛花未放回

欽定四庫全書

柯山集
卷二十五

三

所居有梅一株在堂東荒穢中正月二十六日已
謝矣二首

平生常恨逢梅少及對江梅無好詩寂寞荒山少風味
直須雲鬢插斜枝

冷落疎枝寒草岡欲攀先怕踏榛荒異時折處何堪說
臨水高城倚女牆

堂前種二桃詩示拒結

平昔殷勤向物華誰知憔悴客天涯雙桃栽罷還惆悵

憶得淮陽舊種花

春日書事

蟲飛絲墜兩悠颺
人意遲遲日共長
春草滿庭門寂寂
數櫺窻日掛空堂

十月十日夕同文安君對月

林外霜風作夜聲
入簷寒月似多情
燈前爐畔深杯暖
更聽昭君出塞行

蘄水道中二首

欽定四庫全書

柯山集
卷二十五

蠶老麥枯田舍忙誰令四月雨浪浪未容烏鳥私遺粒
鳴蚓跳蛙欲滿塲

綠野新晴風日涼肩輿細路轉重岡橋邊野水侵官道
旋喚漁舟渡夕陽

感庭莎

桃蹊李徑有塵埃初放青莎秀滿階想見芊緜古城角
有人嗟我未歸來

宿潘君草堂聞蛙聲二首

跳踉鼓怒任爭雄
何事嗚呼聒睡翁
不用洒灰煩魯老
正須兩股付吳儂

孤村足雨菰蒲合
只有羣蛙噪滿陂
我亦閒來無鼓吹
不煩通夕短長吹

齊安春謠五絕

江上魚肥春水生
江頭花落草青青
萋萋蒿芽長蘆筍大
問君底事愛南烹

莫笑江城大如斗
挑花如燒酒如油
人生無病卽為樂

莫誦離騷澤畔愁

揚柳弄春藏不得雪絮點點吹人來輕清潔白非塵物
寄語桃杏莫相猜

赤壁磯前江急流周郎功業莽悠悠惆悵沙邊雨中樹
無言供作古今愁

江頭春泥妨踏春閉門守春春著人問春著人作何味
半酣美酒聽韶鈞

衡門

衡門日晏晚雞鳴
下舍人歸半掩扃
邑犬無聲山郭靜
暮天寒月撥雲生

橘

靄靄高林綠實圓
清霜一洗若金懸
李衡何等相奴隸
自有高人相國賢

梅

覆釜湖邊雪壓塵
數枝林外已先春
盡將七澤清霜氣
洗出姑山綽約身

水仙花葉如金燈而加柔澤花淺黃其幹如萱草
秋深開至來春方已雖霜雪不衰中州未嘗見一

名雅蒜

宮樣鵝黃綠帶垂中州未省見仙姿只疑湘水綃機女
來伴清秋宋玉悲

崇寧壬午臨汝四月始聞鶯二首

青杏登盤櫻壓枝園林初夏轉黃鸝一聲風露高林曉
却覺年華總未衰

好音終在恥爭先
谷外寒多故後遷
已過花時亦何恨
不妨夏木綠參天

采石阻雨寄宣城故人二首

風雨江頭思故人
東南煙水濕青春
宛溪東岸垂楊樹
想見煙眉亦解顰

閒雲濃淡作朝陰
柳色江頭春已深
誰為宣城故人說
依依祇似去年心

漫呈无咎一絕

題扇燈前亦偶然
那知別後遠如天
去年醉舞看花處
獨聽琵琶却惘然

壬午臘月下旬偶作二首

啄塊饑禽傍短籬
風鳶一笑起高枝
君看草樹冰霜裏
即是東風欲到時

風折蒹葭水結澌
燕鴻相語定歸期
淮南水闊山長處
小待燕山霰雪晞

泊楚州鎖外六首

滿眼荒寒春未知
芳菲欲到野梅枝
東南近臘風煙好
美酒千鍾魚蟹肥

便風吹舫去無情
漫遣搓牙鐵鎖橫
未嘆客行鷗鳥遠
五更吹角是高城

襄王席上舊行雲
二十年間生死分
可惜風流一杯土
年年春草斷人魂

流落相逢二十年
羞將白髮對嬋娟
如何見我都依舊
添得尊前一惘然

水榭踈簾秋夜涼清歌一曲醕瑤觴明朝回首高城處
只有西風却斷腸

莫愁家住大堤邊朱閣青樓映暮川斜映清淮一梳月
晚妝相對鬪嬋娟

東齋雜咏

竹

裊裊牆陰竹數竿秋風盡日舞青鸞平生愛爾綠瀟灑
莫作封君渭上看

菊

野人齋爨屏羶腥自向堦前擷紫莖老去愛花心轉薄
一盃蔬飯足浮生

盆池

點點青萍秋後衰溶溶晴日見魚兒水邊窺影何方客
自照行吟憔悴姿

老槐

雪霜未死閱年華危葉蕭蕭戰古槎裊裊秋風官舍冷

半枝斜日帶啼鴉

皂莢

畿縣塵埃不可論
故山喬木尚能存
不緣去垢須青莢
自愛蒼鱗百歲根

南窓

門前塵土慵驅馬
堂上文書厭坐曹
只有南窓慰人意
寒燈清夜讀離騷

道榻

紙閣蘆簾小榻安一裘容易却輕寒誰驚午枕江湖夢
風落晴窻柏子乾

墻東二首

墻東椿老葉已盡堂下菊叢無復香長安風埃歲已晚
閉門不出馬毛長

歲晚長安足風土天寒官舍少文書下馬閉門復無事
壁間佛像對銅爐

凝祥三首

齋祠太一館清真望秩名山固有神斜日苑門人不到
靈風自掃石牀塵

已隨芳草藉盃盤更任垂楊拂馬鞍斜日兩竿眠犢晚
春波一眼去鳧寒

奉靈桃李已堪攀只有春風作往還園吏不須防客到
長安從古少人閒

謝人惠金沙醑醑二首

金沙倩麗閨中秀醑醑謝郎林下風欲試此心無結習

兩株常守淨名翁

金沙豐腴合德艷
醑醑輕盈飛燕身
久無丹白應知我
齊散天香供道人

奉安神考御容入景靈宮小臣獲覩有感二首

靈風依傘繡輿深
仗外猶疑警蹕音
不似尋常遊幸日
樓前鼓吹却沾襟

渭上衣冠故老哀
西陵石老已莓苔
從今仗下新歌舞
長及年年獻耐來

次韻子由舍人先生追讀邇英絕句四首

天寒書殿曉班清
氣爽仙盤瑞露零
講罷羣公佩聲散
一竿宮日轉槐庭

聯翩右史直西垣
舊墨螭頭點未乾
自是退之平昔事
可須慙著進賢冠

冠佩煌煌拱北辰
道人風骨自軒軒
茯苓松下龜鼈老
須乞靈丹一粒吞

恭默誰聆金玉音
陶甄萬物付無心
君王好意真天意

憂國論思不厭深

荒園

日暖風簷翻乳燕
曉寒露柳轉流鶯
荒園日日東風裏
吹盡閒花香草生

東海旅夜二首

無酒消憂寒未減
隔帷相對一燈愁
蟲聲喚覺五更夢
風雨滿庭桐葉秋

蘭缸背壁影微微
千里天涯客夢歸
一夜海風聲不斷

曉來寒葉滿庭飛

寄李不危

憶昨東風吹馬蹄
瓦關分袂涕交揮
淮陽風物應如舊
獨在柯山送雁歸

曉發途中

坐無燈火夜蕭然
馬上匆匆未曉天
值驛老兵應笑我
肯將斗粟換高眠

病起登疊嶂樓

病來久不上層臺
窻有蜘蛛逕有苔
多少山茶梅子樹
未開齊待主人來

觀蘇仲南詩卷

蘇子詩如刃發硯
十章入耳韻泠泠
文章三昧無多子
祇守君家舊典刑

讀仲南和詩

異時文席許論詩
三載江湖讀楚詞
自笑酸寒無好語
少年倉氏獨相知

謝仲南和詩

曾約西湖薄主人只今湖色已知春
會須多載連車酒
絕勝寒倉滿目塵

渡沙河

溶漾澄明徹底清
鷓鴣慣客不相驚
却疑洛水新霜後
八節灘津石柱聲

題五柳亭

大夫風韻如彭澤
五柳蕭森手自我
我亦扁舟倦游者

登臨聊復賦歸來

項城道中

塵壁蒼茫有舊題
十年重見一傷悲
野僧欲與論前事
自說年多不復知

離京後作七首

蘋芷江邊已五年
厭聞風浪打船舷
南風蕭艾荒涼野
時望高丘一慨然

水諳送客渾無浪
風解畱人却有情
今夜榆林繫帆宿

却從北斗望天心

灌畦沽酒兩三家
春去芳叢有晚花
莫道長安在天上
女牛猶有客乘槎

一水夷猶達汝陰
年華客意兩相侵
河邊無限青青草
攬轡何人繫此心

過雨陂塘處處深
南風蕭艾欲成林
道邊拾穗行歌者
亦有豐年一飽心

高槐老柳舞南風
晴日家家蠶麥中
芟盡黃雲見原隰

却教風雨洗長空

燕雀翩翩夏屋深
成谿桃李已成陰
黃鸝深處無人見
時有清風遞好音

對菊花二首

官閒身世兩悠悠
種竹栽花一散愁
黃菊叢邊對疎雨
一年懷抱此時秋

躬耕遇歲真吾事
牛下齊兒婦妾歌
招飲風烟過閒日
遶籬栽菊可如何

柯山集卷二十五

欽定四庫全書

柯山集卷二十六

宋 張耒 撰

七言絕句

初夏謁告家居值風雨偶作二絕

春愁已逐鶯花盡野果垂簷綠葉稠天上幾回飛破鏡
端居未折大刀頭

高堂終日雨潺潺卻著重裘尚薄寒風雨似秋君莫怪

客愁天色兩相關

西窓雜咏三首

翠蔓垂簷筍過籬幽禽終日傍窓啼
山林勝處平生事
他日何妨動我思

穿籬兩竹是龍孫
風葉蕭蕭便有聞
卻到葛陂心未已
更將甘雨灑川原

稻畦新插綠雲齊
雨過溝塍水接溪
到舍妻兒勞動苦
白醪缸畔醉如泥

別齊安稅務憲竹二絕

何獨王郎與爾歡
一年慙媿碧琅玕
葛陂一別知何處
見盡人間行路難

隨流泛梗雖無定
別渚棲鴻亦有情
為問竹窻清夜月
從今誰解聽秋聲

四月二十三日晝睡起

幽人睡足芭蕉雨
獨岸綸巾几案涼
誰和薰風來殿閣
不知陋巷有羲皇

渡江

白髮人驚老阿童橫江聊借半帆風卻嗟縛得窮孫皓
未似高歌醉閉篷

吳王郊臺

異時隨舉考廡郎旗蓋相承據一方腸繞閣門祥已定
將軍畢竟是吳王

題寒溪長老方丈

滿坐繩牀百事貧荒溪古屋四無鄰為生易足君無笑

渠是人間得計人

早起二首

滄江初夜雨翻盆
將曉風聲戰亂雲
籬下寒雞鳴曉苦
老人先起自開門

風鳴槁葉未辭枝
雨濕疎梅欲弄姿
地下一陽應蹠躐
世間渾未有人知

冬至贈潘郎二首

菽籬茅屋柯山下
賣餅歸來也作冬
不見長安競時節

車如流水馬如龍

五更人語起江城
歌笑喧喧天欲明
酌酒壽君但一醉
百年珍重是人情

發孝感

裊裊檣烏轉晚空
娟娟霜月入窓櫳
岸頭楊柳如憐客
猶舞蕭蕭五兩風

柯山雜詩四首

幽人睡足戴綸巾
策杖開門卯酒醺
黃葉滿山烏鵲噪

江城秋日少行人

蕭蕭茅屋土山前
翁媪闔門去獲田
朝日滿簷雞犬靜
荻籬深處有炊烟

斷澗橫橋臥古槎
晚雞鳴處有人家
山頭月出疎鐘斷
江上風高落雁斜

九月江城霜氣清
旅人寒事略經營
隔窓便是山前樹
永夜葉聲如雨聲

絕句九首

天高列岫出林外
霜落大江流地中
晚日橋邊數歸牧
牛羊部分聽兒童

樹頭三唱雞賓日
門外斜行鴈寄書
十月江城霜霰薄
滿山林葉亂藍朱

曉起山鴉噪作團
西園霜木倚空寒
風高斷鴈呼前伴
雨止歸雲赴舊山

千林黃葉總飛霜
寂歷疎梅未肯穠
誰信輪囷臥山木
心知九地有微陽

空山風雨冷蓬茅
晨起幽人理緼袍
深閉衡門且無出
濕雲如墨怒江號

老去不禁茶力悍
兩甌破盡五更眠
月團三百真魔物
欲乞當壚當酒錢

讀書老眼苦眩昏
茗飲無端遣夢魂
到處相逢真可喜
祇應酒是好知聞

黃葉森林赤土岡
蓬茅小徑度牛羊
似聞流乞之唐汝
歎息何人為發倉

原注黃累年旱饑
流民就食唐汝

歲弊寒驕風落山卧聽園木怒濤翻去年慈德門東雪

永夜宮廊喝探喧

原注去年春大雪中予以禮官奉飲聖喪事八宿內東門凡數十鋪直虛

宮吏達旦不能寐

讀周本紀

周公七百年禮樂箕服縶弧紛破除空使遺臣經故國
徘徊禾黍歎丘墟

齋中列酒數壺皆齊安村醪也今日亦強飲數杯

戲成呈邠老昆仲二首

曾嘗玉皇碧琳腴不醉長安市上

酤

原注作史官時
歲六節賜御醪飲

濕先生今已矣啜醪留得與門徒

原注東坡云三年黃
州城飲酒但飲濕

放逐江邊長苦飲壺漿尚敢較醇醪中都光祿多新釀
不解隨人得一卮

卧聞風聲

卧聞風聲吹屋角應掃積雨陰漫漫千山月黑烏飛絕
一江星斗魚龍寒

臘月下旬偶作

歲暮烟霜澤國寒
曉鴉鳴處是柯山地
爐有火樽餘酒
自起焚香深掩關

春日懷臨汝園

西江送上通清汝
憑伏雙魚致我詞
若向池邊見鴻鴈
為言春至苦相思

柯山春望

先教一雨淨江山
便放千林春意還
何事東風吹客鴈
便教無意戀汀灣

正月十八日四首

幽人睡足聞春鳥，共喜暉暉日滿籬。
里巷收燈人寂寞，鄰家夫婦賃春歸。

收燈城市接荒村，翁媪耽眠日已曛。
何事牧童能早起，緩驅白牯出柴門。

道旁蘭若冷于秋，迎客開門一比丘。
夜久無人風露冷，空廊飢鼠竊膏油。

山下書生業讀書，荻籬葛蔓避人居。
最憐無奈窮耽酒。

時遣羸童致一壺

二十八日

憶昨秋風吹馬蹄
瓦關分袂涕交揮
淮陽春物應如錦
猶在柯山送鴈歸

二月二日挑菜節大雨不能出

久將菘芥芡南羹
佳節泥深人未行
想見故園蔬甲好

一畦春水轆轤聲

原注北方治菜畦如蒸餅土極細
勻汲水灌之次第相及殊可觀也

二月五日折梅時經雨梅謝矣

江雲霽霽未全開東嶺微芒日色來獨犯輕寒踏春曉
殷勤更折雨中梅

十八日

寒食清明人意閒春城士女出班班柳黃花白樓臺外
紫翠江南數疊山

僧允懷惠紫竹杖

輕堅滑澤節仍勻上下柯山助老身他日天恩許歸去
提攜同踏故園春

寒食日作二首

荒山野水非吾土，寒食清明似去年。
楊柳插門人競笑。

荆蠻不信子推賢。

原注：黃岡有官人效北方以題作子推買柳插門上者，邦人笑之。

朝寒却覺春衣薄，禪誦還將酒盞疎。
落盡江城千樹雪，門前楊柳已藏烏。

牡丹

天女竒姿雲錦囊，故應聽法傍禪牀。
靜中獨有維摩覺，觸鼻惟聞淨戒香。

雨霽望樊山

金碧江南數疊山
雨餘秀色直堪餐
仙城倭墮青雲髻
照我衰遲澤畔顏

三月二十五日聞鶉鳩

雲夢澤南春欲還
柯山鶉鳩曉關關
幽人夢覺殷勤聽
落月江風尚薄寒

絕句二首

翠潤園林草木長
春歸積雨滿芳塘
更無一點殷紅色

葉底青梅已可嘗

晴江水滿長菰蒲野鴨鷓鴣欲哺雛誰為寄聲沙塞鴈
春來朔野定如何

新堂望樊山

幽人并白兩山間鄰里樵漁盡往還興發登臨窮眼界
江南秀色碧雲鬟

東堂四首

主人憐客置東堂為致炎天十步涼勝事自來非力致

江南山色巧相望

老翁還作小兒情，手種芭蕉為雨聲。便有微泉出堂下，

一泓清徹照軒楹。

原注堂下種芭蕉數本遂得一泉泓然盈尺殊清徹

居止年來如傳舍，構堂珍重主人情。浮生行止誰能計，

苟合真須學子荆。

烏衣更士能呼旦，金縷嬌娘解唱歌。天與旅人供一笑，
不然奈此寂寥何。

未伏日五更小涼

幽人短夢不終宵
起步星河望泐寥
缺月低簷雞一唱
露華秋色滿芭蕉

秋日二首

一庭秋色清如水
籬落蕭條日脚殘
忽憶淮陽舊庭院
出鄰高葉翠梧寒

黃簾朱戶狹洞房
何事易知獨難忘
相思故人雲間月
涼夜皎皎出東廂

樊山

黃葉疎林江上洲
西風角怨夕陽樓
晚天紫翠凌空闊
只有樊山取意秋

月季

月季祇應天上物
四時榮謝色常同
可憐搖落西風裏
又放寒枝數點紅

卧病書眠秋風作惡

東堂岑寂似僧居
年老身閒不讀書
病卧空牀雞唱曉
窓前飢雀啄寒蔬

東堂初寒創意作竹屏障門屏脚偶得朽梅枝截
用之完固質野可喜二首

丈室新屏用此君

原注如用
鄧子之用

碧琅玕插古槎根白雲一

片當空下護此寒堂宴坐人

簡冊林中老蠹魚年來窮譎尚耽書竹屏風下憑烏几
畫作柯山居士圖

二絕句

幽窓老客寒無睡長聽城樓曉角悲萬里滄溟初浴日

暗雞先向草間知

歲陰慘澹不可出竹榻地爐聊自安黃葉滿山籬落晚
北風吹雨濕荒寒

朝寒

朝寒如飲已戰勝煮餅一甌充午飢便是衰翁一日了
夜爐茗果亦隨宜

臘初小雪後圃梅開二首

風格孤高又國香故教小雪發新妝修行嗟我無功力

卻使天魔入道場

晨起千林臘雪新
數枝雲夢澤南春
一塵不染香到骨
姑射仙人風露身

蒼浪

蒼浪鬢髮一衰翁
何事年來到骨窮
魑魅何常居四裔
自憐放逐尚無功

西江

拂瓦輕霜鉛粉輕
東南日出竹窓明
小樓下見西江水

日日風光無限情

二月二十一日東園桃李未開有感二首

日慘東風正怒號
小園寂寂閉蓬蒿
可能春色如人事
獨發玄都觀裏桃

寄語玄都觀裏花
饒君繁麗奪朝霞
劉郎想到長安日
葵麥風前一數嗟

自二月末苦雨寒食前一日始晴視園中花乃殊
不敗

春雲靈鬪弄朝暉清峭餘寒透袂衣最喜園花渾似舊
十分春色一分歸

微雲

微雲靈鬪弄餘春清曉微寒尚著人重理袂衣溫卯酒
綠陰啼鳥閉衡門

絕句二首

風掉浮烟匝地回雨將濃翠撲山來晚涼樓角三吹罷
夕照江天萬里開

荒山岑寂晚雞號獨閉衡門守一瓢
風雨似秋君莫怪
客愁逢處易蕭條

雨歇二首

雨歇山園竹引芽老禪睡起日初斜
今朝卻憶香嚴老
解點瀉山一椀茶

家童取酒衝泥至酒滿山瓶重
莫攜老子欣然一笑起
開嘗洗盞對山妻

平生

平生壯節終難變
投老浮名信所遭
要路爭先寧遽福
從來率野屈吾曹

題南頓光武祠

他日曾休羽葆車
可憐宮寺已丘墟
雲臺諸將鏘冠劍
卻遣嚴光配坐隅

發金陵折柳亭

津亭折得綠楊枝
更看春風向手吹
建業城邊春已老
連天荒草燕雙飛

呈宜君

江城風雨作朝昏，愁殺墟邊賣酒人。
祇有醉時差可喜，不應醒坐過新春。

生日贈潘郎

春雨蕭蕭江上城，論花與子酒同傾。
恨君未到淮陽市，一見姚黃慰此生。

謁蔣帝祠過鍾山下二首

野塘春水綠迢迢，上有東風弄柳條。
曉日已穿東嶺出，

輕寒猶欲戰駝毛

溶溶野水戲鳧鷖
壠麥初長午景遲
盡日綠楊閑照水
臨風自愛好腰支

和李二秀才

羨君年少盛遊春
顧我無聊似厄陳
東市車牛泥到領
不勞舉袂障京塵

和蘇适春雪八首

春城北斗轉招搖
寒御初還陣尚翬
一夜雪聲欺布被

定知貧舍故相撩

寒陣須憑酒解圍
閑官幸可典朝衣
一杯冷落憑誰勸
卻有飛花舞入帷

白帝陰兵嚴羽衛
漢皇老傅振鬚者
撒鹽飛絮渾麤俗
盡撥塵言賦好詩

溪上泛舟成底事
庵前夜立意如何
爭知萬頃青青麥
絕勝黃河一尺波

不死松篁勞借問
未開桃李與催粧
已饒艷女纖腰舞

偏犯貧儒百結裳

偏憎遊騎香蹄汗最稱佳人素手團方丈老翁容膝外
出門四顧盡漫漫

山中景物最幽竒祇欠夫君為賦詩長憶東風吹女兒
瓊瑤交貫碧瑠璃

寒窻凍坐成何事趣喚紅粧遣暖寒卻把吟腸盛美酒
更令柔指撥清彈

宿盧村逆旅

夜宿村南貧主人入門桃李已殘春無人折贈門前柳
佇立東風獨愴神

紺碧

紺碧遙空秋意生深簷當午暑風清老翁睡起支頤坐
初聽新蟬第一聲

真陽縣晝睡縣舍素絲堂

見君堂下小荷葉驚我客中春已空一覺西堂亭午睡
悠悠春夢逐春風

贈圓明老

一粥一齋年已老
千經萬論不留心
菩提本自非言說
默默知師得更深

方丈小山

窗外幽軒數步寬
小山幽石對巔
岬說知老子婆娑意
且作僧房一衲看

秋末圭竇齋前菊盛開賦得絕句時秬出未歸

幽齋誰與破窮愁
蜀錦當軒爛不收
白帝屬車千萬乘

玉輪金轂照清秋

秋移宛丘牡丹植圭竇齋前作二絕示秬秸和

共我辭家似旅人栽培莫怪倍殷勤
明年太昊城中色來作齊安江上春

千里相逢如故人故栽庭下要相親
明年一笑東風裏山杏江桃不當春

夢靈壽寺

客居有似鴻遵渚鴻渚相看豈有情
何事春來頻見夢

老僧談笑起相迎

聞鴉鵂

紙窓未白燭微明
鴉鵂枝頭一兩聲
卻憶去年桃李後
淮陽旅舍聽殘更

甯子

甯子陽愚飽諳事
賈生慟哭漫多愁
無言天道何須問
畢竟人間春復秋

摘芙蓉

今年古寺摘芙蓉
憔悴真成澤畔翁
聊把一枝閒照酒
明年何處對霜紅

悼亡九首

菊花還似去年黃
一寸愁心萬事傷
獨立高樓對殘日
秋風吹得淚千行

暹夜新霜凋碧槐
三更寒月滿堂階
美人化作秋風去
只有清魂夢裏來

千行垂淚對風烟
萬事傷心兒女前
曉鏡不須催白髮

潘郎秋鬢久蕭然

曉梳零亂髮星星
病眼昏昏怯夜燈
烏几素屏雙草履
百年從此學山僧

新霜已重菊初殘
半死梧桐泣井闌
可是神傷即無淚
哭多清血也應乾

亦知存沒等浮雲
鮮笑多悲失道真
卻恐荒唐齊物叟
鼓盆真是已傷神

山僧老去久忘情
笑我多悲白髮生
為道人間具煩惱

早來林下共修行

嵩陽道出建春門
同入西都四見春
誰謂回頭隔存沒
斷腸今作獨歸人

欲治煩惱更無方
只有頭陀理最長
不待存亡始知夢
故應交臂已淒涼

乾
健
山
巖
廣
濟

柯山集卷二十六

欽定四庫全書

集部

柯山集卷

二十七至
三十

詳校官庶吉士_臣汪彥博

侍讀_臣孫球覆勘

總校官進士_臣程嘉謨

校對官學錄_臣常循

謄錄監生_臣嚴孫詒

欽定四庫全書

柯山集卷二十七

宋張耒撰

同文唱和詩

欲知歸期近呈天啓

耒

欲知歸期近屈指不滿手豈無兒女心惜此良邂逅蔡
郎吾未見心已想雄秀那知風雨夜聽此龍劍吼八荒

一驥了萬馬空在廐
鍾山淨名老為子
不惜口頗聞國士
薦固自君所有
惟應功名地他日容老醜

蔡肇

欲知歸期近朱墨復在手
出門豈無時官事少邂逅張
公晚定交千仞仰森秀
華堂耿青燈夜半獅子吼
真龍服內閑爽氣凜羣
廢新詩陳五鼎斟酌皆可
口光華委行色于我亦何
有緘藏不知報刻畫無鹽醜

鄧忠臣

欲知歸期近行行重攜手披垣隔華省明日難邂逅作
者六七人崢嶸竦神秀藏螭龍虎姿風雲即騰吼嗟予
自遲暮老驥伏閑廐奪珠不量力攬臂犯牙口平生辛
苦行何足為已有正似逢毛嬙歸憎孟光醜

晁補之

眉山見張侯心許出一手臨川得蔡子千載慰邂逅鄧
君起南國磊磊看三秀譬如黃鍾陳我尚瓦釜吼欲知
歸期近喚馬牽出廐官醪持餉婦傾瀉僅漬口千章輸

明堂勿問草澤有羣公自凜凜冰鏡照妍醜

初伏大雨戲呈无咎

表

初伏炎炎坐湯釜長安行人汗沾土誰傾江海作清涼
玄雲駕風橫白雨普陀真人甘露手能使渴乏厭膏乳
且欲當風展簾眠敢辭避漏移牀苦清貧學士卧陶齋
壁上墨君淡無語翰林但解嘲苜蓿彭宣不得窺歌舞
聯詩得句笑出看策馬涉泥歸閉戶牀頭餘榼定何嫌

窻外石榴堪薦俎

補之

蓬山西鄰九軌路三月街晴葉吹土直廬鑿牖面官垣
青壁嶄嶄看垂雨殿角風斜碧瓦寒翅濕蒼鳶不能乳
卻思窮巷亦可憐一掃蚊蚋通夕苦鬱蒸書課未須忙
午漏客休聽天語平生豪氣對樽酒山雞見鏡猶能舞
城南寺近曉堪行笙歌涼月聞千戶但憂伏日細君須
割肉無緣俟歸俎

曹輔

火焚真金融作暑南風無聲蒸厚土省門下馬不讀書
急掃藤牀卧聽雨朝涼已覺飯有味紫盃新茶如潑乳
天工未費一杯水已變炎涼異甘苦晁侯笑顧北窓竹
知君吟詩得佳語忽驚秋近梧桐落未厭野潤商羊舞
快洗晚空作晴碧三更月華清萬戶不泊泥深滑馬蹄
更自無金謀燕俎

忠臣

大明放朝官避暑長廊備備絕塵土漢家宮殿敞千門
紫閣拖雲灑甘雨雷欣電笑洗蒸鬱蕩蕩青天滑流乳
憶作三年田舍中六月正服農家苦豈望生還直舊廬
得見張晁說新語初聽釣天驟竊忤正似聲聞躩起舞
喜乘初涼與晤歌不憂庭潦蟄垣戶徑攜斗酒相就醉
更置雙鯉充君俎

汗流龜趺如炊釜蜂蟬飛空蟻運土眼看纖雲上太清
曾不崇朝八荒雨金柔火老旱太甚咀嚼冰雪如飴乳

豐隆列缺及時來蒼生解除焦焚苦張侯不辭茅屋漏
倚柱長吟可人語愛君豪猛為君和初撫劍歌終起舞
城南酒壚酪新撥不獨黃公當門戶滿沽鴟夷極歡酌
抽摘園蔬供鼎俎

突冷塵魚生甑釜十年都城困風土不辭揮汗過三伏
敗屋怯聽滂沱雨張侯作詩召清風渴讀如飲雪山乳
笑我形容太瘦生我亦悔前用心苦晁子迭唱亦起予
兩人終日同堂語奈何拘學技藝窮跛鼈欲趁驕驪舞

魁然圍腹貯文史朝來氣爽寬酒戶為君急置槎頭鱸
縷翠霏紅落雕俎

神龜不識烹魚釜生潛深淵長黃土誰令誤落魚網中
白晝冥冥作雷雨嗟予幡然別舊隱空巖無人滴鍾乳
松菊滿山胡不歸顧同妻子忍攻苦長歌漫漫何時旦
起坐中夜私自語茅茨十九漏如澠誰知華堂醉歌舞
山中吾廬歸去來峯插翠玉朝高戶注目操刀必割時
尸祝何煩越樽俎

肇

城中鼎食排翠釜羊胛駝峯賤如土青衫學士家故貧
斗米束薪炊濕雨縱橫圖史照屋壁咕躡詩騷從稚乳
省中無事騎馬歸雨聲一洗茅簷苦急呼南巷同舍郎
聽我臨風有清語且貪青簡事文章未有金貨買歌舞
往來詩卷牛腰許太羹玄酒竝在戶吾詩老澀邀使前
正坐可口收艱俎

贈文潛

輔

都城薄祿纔三釜白髮朱衫汙黃土
九人同日鎖重關
一夜濤聲卷秋雨投身雖喜豪俊窟刺手如逢虎方乳
鄧侯相逢十載後清骨巉巖詩思苦張晁自是天下才
黃卷聊同聖賢語蔡子彎弓欲射虎拔劍酒酣時起舞
何當連袂上霄垠速致時康門外戶病夫行矣老江湖
尸祝安能越庖俎

余幹

可畏日輪如赤釜，賴有羣仙司下土。稍從寥廓踊濃雲，
旋向塵埃灑甘雨。松蘿既女更施澤，山木欲童俄得乳。
馬牛暫息要逵勞，魚鼈頓舒炎海苦。野鶴那虛屋上鳴，
穴狸不繆山中語。清風豈假白羽搖，輕汗寧沾翠綃舞。
已憐爽氣滿襟袖，更喜餘霞照庭戶。後朝便是閱英才，
為指旃幪設干俎。

次韻呈文潛學士同年

柳子文

肇

張侯胷中包覆釜百里奔流無寸土玄蛟白鼉有時作
一洗乾坤三日雨詩雄變怪有如此震動猶能止啼乳
已頌太白酒船空更壓少陵飯山苦昨朝東門同拜救
玉齒猶殘道中語閉門十日無一事坐對空庭秋葉舞
何時御史出霜臺便假前騎辭棘戶城南邀我倒餘樽
紫栗黃橙已登俎

答天啓

未

黃鐘無聲登瓦釜
蔡子青衫在塵土
通人爽氣百步寒
知子胸中有風雨
三年河東走鐵馬
絕口魚蝦便酪乳
歸來萬卷付一讀
不覺兒曹用心苦
周瑜陸遜久寂寞
千年北客嘲吳語
莫徒彩筆雲錦張
要是寶劍蛟龍舞
天兵萬百老西北
快馬如飛不出戶
看公大纛出麒麟
走取單于置刀俎

和天啓贈文潛

補之

蔡侯飽學困千釜濯足青江起南土放談頗似燕客雄
快奪范睢如墜雨東城擒羽未足論柏直何為口方乳
蔣侯山中伴香火三年不厭長齋苦平生豪偉有誰同
要得張侯三日語晝間那自運甓忙時清不用聞雞舞
桓榮歡喜見車馬書冊辛勤立門戶要當食肉似班超
猛虎何嘗窺案俎

再答

肇

羌兵昔出臯蘭路欲鏟新城無聚土烟烽照夜氣如霞
鐵馬連羣歎成雨東西兩關同日破股掌嬰兒絕哺乳
鼓聲十日拔帳歸至今猶說防城苦當時諸將無奇功
不敢彎弓向敵語橐駝西來金帛去孽狐小鼠猶跳舞
王師八月盡防秋惴惴軍興恐編戶腐儒不用輒憂邊
廟堂有人制樽俎

呈鄧張晁蔡

才堪斗量君獨釜年少登瀛脫塵土重闌幾日鎖清秋
酬唱新篇亂如雨讀書相逢十載前君家酥酪和腐乳

案此下原闕

苦字韻二句

晚將衰颯奉英遊漫記雪窓邀夜語平生

意氣杯酒間我醉狂歌君起舞即今頭白老青衫但期
教子應門戶燕頷從來骨相殊看君鼎食羅五俎

用俎字韻呈樗年

肇

墮甕一言能破釜魔界掃空成佛土鍾山道場天所開

萬壑千巖散華雨白衣居士演真諦江海滔滔流法乳
自從玉髻飛上天妙緣誰救諸有苦我昔南行入定林
水鳥松風能妙語六時天樂彩雲飛百丈寒江翠綃舞
此地知君會著力雷作彈指開蟄戶空山蕙帳盍思歸
秋末晚菘行可俎

次韻天啓戲為禪句之作

幹

一片木柴投向釜不是知音色如土道途漫用運三車

恨性終然資一雨相逢儻獲箇中人
涓滴何辭比驢乳
善才童子天質奇
堦官遠適修行苦
果向北山曾遇人
便解捐書尋一語
而今脫卻七斤衫
相見山山惟作舞
秋闈何幸相握手
未厭夜深來叩戶
莫愁客至將何待
卧有眠床飢有俎

上呈子方鄉丈

肇

西方殘寇魚游釜
往歲天兵收境土
軍行旱海口生烟

沙井無泉天不雨將軍意氣吞八荒欲入涼州傾馬乳
堅城不下河未冰幕中稍覺從軍苦曹侯獻計取東關
帳下選鋒同此語歸來塞色侵鬢毛聯翩始閱交衢舞
不學行間妄校尉盡斬孫歆封萬戶人生富貴有危機
燕肩不願加雕俎

次韻答天啓

輔

天兵連營十萬釜烈烈威聲震西土崑崙月窟掃欲空

豈止斯民被時雨
賀蘭狡兔遁三穴
黃口嬌雛未離乳
臨機一失挫銛鋒
誰願忠言如藥苦
吾鄉蔡子喜談兵
早歲曾過阿戎語
逸才自擅鸚鵡賦
高韻仍為鸚鵡舞
方略應須敵萬夫
徒擊韓嫣笑當戶
正宜弱冠請長纓
繫取單于置高俎

曹子方用益俎字韻賦詩見遺予洎張文潛晁无咎蔡天啓因以奉酬并示四友

忠臣

長愛陳思詠其釜幾年不見祖南土場來相逢翰墨場
夜寤共聽空階雨躍馬蔡卿能鬻肥好書張侯期飲乳
晁令知從博士遷智囊不厭傳經苦于茲邂逅如夙契
睠我劬勞動晤語詩成乍變龍虎文筆落更驚鸞鳳舞
我將隱遁山林安公等整頓乾坤戶分同尺鷃捨榆枋
難使犧牛登鼎俎

柯山集卷二十七